



Cyfarfod

PWYLLGOR TRWYDDEDU CYFFREDINOL

Dyddiad ac Amser

10.00 y.b., DYDD LLUN, 6ED RHAGFYR, 2021

Lleoliad

Cyfarfod Rhithiol

Pwynt Cyswllt

Lowri Haf Evans

01286 679 878

lowrihafevans@gwynedd.llyw.cymru

(Dosbarthwyd Dydd Gwener, 26 Tachwedd 2021)

PWYLLGOR TRWYDDEDU CYFFREDINOL

AELODAETH (15)

Plaid Cymru (8)

Y Cynghorwyr

Steve Collings
Dafydd Owen
Elfed Williams
W. Gareth Roberts

Annwen Hughes
Edgar Wyn Owen
Gareth Tudor Morris Jones
Elin Walker Jones

Annibynnol (4)

Y Cynghorwyr

John Brynmor Hughes
Jason Wayne Parry

Eryl Jones-Williams
Angela Russell

Llais Gwynedd (1)

Cynghorydd Gareth Williams

Annibynnol Unedig Gwynedd (1)

Cynghorydd W Roy Owen

Aelod Unigol (1)

Sedd Wag

Aelodau Ex-officio

Cadeirydd ac Is-Gadeirydd y Cyngor

R H A G L E N

1. YMDDIHEURIADAU

I dderbyn unrhyw ymddiheuriadau am absenoldeb

2. DATGAN BUDDIANT PERSONOL

I dderbyn unrhyw ddatganiad o fuddiant personol

3. MATERION BRYD

Nodi unrhyw eitemau sy'n fater brys ym marn y cadeirydd fel y gellir eu hystyried.

4. COFNODION

4 - 5

Bydd y Cadeirydd yn cynnig y dylid derbyn cofnodion cyfarfod o'r pwyllgor hwn a gynhaliwyd 13 Medi 2021 fel rhai cywir

5. COFNODION IS-BWYLLGOR TRWYDDEDU CYFFREDINOL

6 - 12

Cyflwyno, er gwybodaeth, gofnodion yr Isbwyllgorau Trwyddedu Cyffredinol a gynhaliwyd ar y dyddiadau canlynol:

- a) 01/11/21
- b) 05/10/21

6. RHEOLI SEFYDLIADAU RHYW - DEDDF LLYWODRAETH LEOL (DARPARIAETHAU AMRYWIOL) 1982 13 - 33

I gymeradwyo trefn prosesu ceisiadau, ffioedd ac amodau safonol ar gyfer trwyddedu a rheoleiddio sefydliadau rhyw

Eitem 4

PWYLLGOR TRWYDDEDU CYFFREDINOL
13-09-21

Presenoldeb:

Cynghorwyr: Annwen Hughes (Cadeirydd), John Brynmor Hughes, Elin W Jones, Gareth Morris Jones, Eryl Jones-Williams, Dafydd Owen, Edgar Owen, Jason W Parry, Angela Russell, Elfed Williams a Gareth Williams

Swyddogion:

Sïon Huws (Uwch Gyfreithiwr (Corfforaethol), Gareth Jones (Pennaeth Cynorthwyol Amgylchedd) a Lowri Haf Evans (Swyddog Gwasanaethau Democratiaeth)

1. YMDDIHEURIADAU

Derbyniwyd ymddiheuriadau gan y Cynghorydd Steve Collings a'r Cynghorydd Roy Owen.

2. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

3. MATERION BRYD

Dim i'w nodi

4. COFNODION CYFARFOD DIWETHAF

Llofnododd y Cadeirydd gofnodion cyfarfod o'r pwyllgor a gynhaliwyd Gorffennaf 19 2021 fel rhai cywir.

Llongyfarchwyd Geraint B Edwards (Cyfreithiwr) ar ei benodiad fel Cyfreithiwr yn Sir Fynwy. Diolchwyd iddo am ei gyngor a'i gefnogaeth i'r Pwyllgorau Trwyddedu a'r Is-bwyllgorau Trwyddedu dros y blynyddoedd a dymunwyd y gorau iddo yn ei swydd newydd.

5. COFNODION IS BWYLLGOR TRWYDDEDU CANOLOG

Derbyniwyd, er gwybodaeth gofnodion yr Is bwyllgorau a gynhaliwyd 15 Mawrth 2021

6. RHEOLI SEFYDLIADAU RHYW – DEDDF LLYWODRAETH LEOL (DARPARIAETHAU AMRYWIOL) 1982

Cyflwynwyd adroddiad gan Pennaeth yr Amgylchedd yn amlygu'r angen i'r Awdurdod Trwyddedu sydd yn dymuno rheoleiddio sefydliadau rhyw yn ei ardal, i fabwysiadu darpariaethau Atodlen 3 o'r Ddeddf Llywodraeth Leol (Darpariaethau Amrywiol) 1982 fel y'i diwygiwyd gan y Ddeddf Plismona a Throseddu 2009.

Cyfeiriwyd at gefndir y sefyllfa yng Ngwynedd a'r grymoedd sydd yn bodoli ar hyn o bryd ynghyd a phenderfyniad y Pwyllgor Trwyddedu Cyffredinol (19 Gorffennaf 2021) i gymeradwyo ymgymryd â phroses o ystyried mabwysiadu Atodlen 3 er mwyn sicrhau cyfundrefn trwyddedu a rheoleiddio sefydliadau rhyw drwy'r Sir. Yn ogystal cymeradwywyd proses o ymgynghori am 28 diwrnod ac fe lanswyd yr ymgynghoriad cyhoeddus ar y 26ain o Orffennaf a daeth i ben ar y 23ain Awst.

Cyhoeddwyd datganiad i'r wasg a bu ymgyrch i godi ymwybyddiaeth o'r ymgynghoriad ar y cyfryngau cymdeithasol. Ymgynghorwyd gyda phartneriaid allweddol (gan gynnwys Heddlu Gogledd Cymru a Chynghorau Tref a Chymuned) a'u gwahodd i gyfrannu at yr ymgynghoriad, Yn ogystal rhoddwyd holiadur ar wefan y Cyngor ac fe dderbyniwyd 102 o ymatebion i'r holiadur hwnnw. Adroddwyd bod mwyafrif amlwg (68%) o'r ymatebion cyflawn a ddaeth i law, o blaid mabwysiadu Atodlen 3 i gael trefn rheoleiddio sefydliadu rhyw yn y Sir. O ganlyniad, argymhellwyd bod y Pwyllgor yn argymhell i'r Cyngor Llawn fabwysiadu Atodlen 3 o'r Ddeddf Llywodraeth Leol (Darpariaethau Amrywiol) 1982 ynghyd ag argymhellion cysylltiol. Rhagwelwyd cyflwyno'r mater gerbron y Cyngor Llawn ar y 7fed o Hydref 2021.

Diolchwyd am yr adroddiad

Cynigiwyd ac eiliwyd i gymeradwyo'r argymhelliad

PENDERFYNWYD bod y Pwyllgor yn argymhell i'r Cyngor Llawn:

- **Fabwysiadu ledled y sir Atodlen 3 o Ddeddf Llywodraeth Leol (Darpariaethau Amrywiol) 1982, fel y'i diwygiwyd gan y Ddeddf Plismona a Throseddau 2009, gan ddod yn weithredol ddim cynt na 1 Rhagfyr 2021**
- **Cyfarwyddo'r Pennaeth Gwasanaethau Cyfreithiol i gyhoeddi'r hysbysebion statudol ynghlwm â'r penderfyniad i fabwysiadu am 2 wythnos yn olynol, gyda'r cyntaf ddim hwyrach na 28 diwrnod cyn y dyddiad y daw'r penderfyniad i rym**
- **Dirprwyo'r materion o bennu ffioedd, gosod amodau safonol a chynllun prosesu ceisiadau i'r Pwyllgor Trwyddedu Cyffredinol**

Dechreuodd y cyfarfod am 10:00 a daeth i ben am 10:15

Eitem 5

IS-BWYLLGOR TRWYDDEDU CYFFREDINOL 01-11-21

Yn bresennol:

Cynghorwyr: Y Cynghorydd Annwen Hughes (Cadeirydd)
Y Cynghorwyr Steve Collings a John Brynmor Hughes

Swyddogion: Sïon Huws (Uwch Gyfreithiwr), Gwenan Mai Roberts (Rheolwr Trwyddedu) a Lowri Haf Evans (Swyddog Gwasanaethau Democratiaeth)

1. YMDDIHEURIADAU

Derbyniwyd ymddiheuriad gan yr ymgeisydd Mr A

2. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

3. MATERION BRYS

Dim i'w nodi

4. CAU ALLAN Y WASG A'R CYHOEDD

PENDERFYNWYD cau'r wasg a'r cyhoedd allan o'r cyfarfod yn ystod y drafodaeth ar yr eitemau canlynol gan ei fod yn debygol y datgelir gwybodaeth eithriedig fel y'i diffinnir ym mharagraffau 12 ac 13, Rhan 4, Atodiad 12 A, Deddf Llywodraeth Leol 1972. Mae'r paragraffau yma yn berthnasol oherwydd bod gan yr unigolion dan sylw'r hawl i breifatrwydd ac nad oes unrhyw fudd cyhoeddus sy'n gofyn am ddatgelu gwybodaeth bersonol am yr unigolion nac yn gofyn am eu hadnabod. O ganlyniad mae'r budd cyhoeddus o gadw'r wybodaeth yn eithriedig yn gorbwyso'r budd cyhoeddus o'i datgelu.

5. Croesawodd y Cadeirydd bawb i'r cyfarfod. Amlygodd y byddai'r penderfyniadau yn cael ei gwneud yn unol â pholisi trwyddedu Cyngor Gwynedd. Nodwyd mai pwrpas y polisi oedd gosod canllawiau ar y meini prawf wrth ystyried cais yr ymgeisydd gyda'r nod o ddiogelu'r cyhoedd drwy sicrhau:

- Bod yr unigolyn yn unigolyn addas a phriodol
- Nad yw'r unigolyn yn fygythiad i'r cyhoedd
- Bod y cyhoedd wedi'u diogelu rhag pobl anonest
- Bod plant a phobl ifanc wedi'u diogelu
- Bod pobl ddiamddiffyn wedi'u diogelu
- Bod y cyhoedd yn gallu bod yn hyderus wrth ddefnyddio cerbydau trwyddedig.

CAIS AM DRWYDDED GYRRU CERBYD HACNI / HURIO PREIFAT – Mr A

Cyflwynodd y Swyddog Trwyddedu adroddiad ysgrifenedig ar gais a dderbyniwyd gan Mr A am drwydded gyrru cerbyd hacni/hurio preifat. Gofynnwyd i'r Is-bwyllgor ystyried y cais yn unol â'r cofnod DBS, y canllawiau ar droseddau a cholffarnau perthnasol. Roedd yr Awdurdod Trwyddedu yn argymhell i'r Is-bwyllgor ganiatáu y cais.

Gwahoddwyd cynrychiolydd yr ymgeisydd (ei ddarpar gyflogwr petai'r drwydded yn cael ei chaniatáu) i ymhelaethu ar gais Mr A gan roi gwybodaeth am gefndir y drosedd a'i amgylchiadau personol. Nododd bod yr ymgeisydd yn edifarhau a'i fod bellach gyda swydd gyfrifol ac yn gwasanaethu'r cyhoedd yn ddyddiol. Amlygodd mai rhybudd yn unig a dderbyniodd a bod dyddiad y gollfarn bellach tu hwnt i'r cyfnod tair blynedd. Ategodd, mewn achos lle ceir collfarnau hanesyddol, bod angen ystyried adolygu Polisi Trwyddedu Cyngor Gwynedd.

PENDERFYNWYD bod yr ymgeisydd yn berson addas a phriodol ar gyfer trwydded gyrrwr cerbyd hacni/hurio preifat gyda Chyngor Gwynedd.

Wrth gyrraedd eu penderfyniad, roedd yr Is-bwyllgor wedi ystyried y canlynol:

- Gofynion 'Polisi Trwyddedu ar gyfer Hurio Preifat a Cherbydau Hacni Cyngor Gwynedd'
- ffurflen gais yr ymgeisydd
- adroddiad yr Adran Drwyddedu ynghyd a'r datganiad DBS
- sylwadau ar lafar cynrychiolydd yr ymgeisydd
- Canllawiau'r Asiantaeth Trwyddedu Gyrrwr a Cherbydau

Rhodddwyd ystyriaeth benodol i'r materion canlynol

Yn Ionawr 2017 cafwyd yr ymgeisydd yn euog gan Heddlu Gogledd Cymru o ddefnyddio geiriau bygythiol, ymosodol a sarhaus, neu ymddwyn yn afreolus i'r perwyl o achosi aflonyddu, braw neu ofid, yn groes i Ddeddf Trefn Cyhoeddus 1986. Derbyniodd yr ymgeisydd rybudd am y drosedd

Ystyriwyd paragraff 2.2 o Bolisi'r Cyngor lle nodi'r nad oes rheidrwydd i berson sydd â cholffarn am drosedd ddifrifol gael ei wahardd rhag cael trwydded, ond bydd disgwyl iddo fod yn rhydd rhag unrhyw gollfarnau am gyfnod priodol fel y nodir yn y Polisi, a dangos tystiolaeth ei fod yn unigolyn addas a phriodol i ddal trwydded. Mae cyfrifoldeb ar yr ymgeisydd i brofi ei fod yn berson addas a phriodol. Mae paragraff 2.4 yn nodi pan fydd ymgeisydd wedi'i gael yn euog o drosedd(au) neu fod mater arall/materion eraill i'w (h)ystyried yng nghyswllt hynny, ni chaiff y cyngor adolygu rhinweddau'r gollfarn honno na'r mater arall hwnnw.

Ystyriwyd paragraff 4.5 sydd yn nodi bod Gorchymyn Deddf Ailsefydlu Troseddwyr 1974 (Eithriadau) (Diwygio) 2002 yn caniatáu'r Is-bwyllgor ystyried pob collfarn, p'run ai ydynt wedi eu treulio o dan Ddeddf 1974 neu beidio.

Mae paragraff 6.0 o'r Polisi yn cyfarch troseddau o drais. Ym mharagraff 6.1 nodir, gan fod gyrrwr trwyddedig yn dod i gysylltiad agos gyda'r cyhoedd yn rheolaidd y byddai is-bwyllgor yn mabwysiadu safbwynt cadarn at y rhai hynny sydd â throseddau yn ymwneud a thrais.

Mae paragraff 6.5 o'r Polisi yn nodi y bydd cais am drwydded fel rheol yn cael ei wrthod os oes gan yr ymgeisydd fater i'w ystyried am ymosodiad cyffredin a/neu ddifrod troseddol a /neu drosedd o dan Ddeddf Trefn Gyhoeddus 1986 sydd yn llai na 3 blynedd cyn dyddiad y cais.

Daeth yr Is-bwyllgor i gasgliad bod collfarn Medi 2017 yn ymwneud a thrais. Fodd bynnag, gan fod y gollfarn wedi ei chyflwyno tu hwnt i'r cyfnod 3 blynedd, nid oedd rhagdybiaethau dros wrthod o dan Rhan 6 o'r Polisi yn goroesi, ac felly nid yn sail i wrthod y cais. Ni chafwyd unrhyw gollfarnau dilynol ac ni chafwyd unrhyw dystiolaeth i awgrymu unrhyw reswm pam na ddylid dilyn y Polisi yn yr achos penodol hwn.

Wedi pwyso a mesur y dystiolaeth ar wybodaeth yn ofalus, roedd yr Is-bwyllgor o blaid caniatáu y cais a phenderfynwyd bod yr ymgeisydd yn berson addas a phriodol i ddal trwydded gyrrwr cerbyd hacni a hurio preifat.

Adroddodd y Cyfreithiwr y byddai'r penderfyniad yn cael ei gadarnhau yn ffurfiol drwy lythyr i'r ymgeisydd.

6. Croesawodd y Cadeirydd bawb i'r cyfarfod. Amlygodd y byddai'r penderfyniadau yn cael ei gwneud yn unol â pholisi trwyddedu Cyngor Gwynedd. Nodwyd mai pwrpas y polisi oedd gosod canllawiau ar y meini prawf wrth ystyried cais yr ymgeisydd gyda'r nod o ddiogelu'r cyhoedd drwy sicrhau:

- Bod yr unigolyn yn unigolyn addas a phriodol
- Nad yw'r unigolyn yn fygythiad i'r cyhoedd
- Bod y cyhoedd wedi'u diogelu rhag pobl anonest
- Bod plant a phobl ifanc wedi'u diogelu
- Bod pobl ddiamddiffyn wedi'u diogelu
- Bod y cyhoedd yn gallu bod yn hyderus wrth ddefnyddio cerbydau trwyddedig.

CAIS AM DRWYDDED GYRRU CERBYD HACNI / HURIO PREIFAT – Mr B

Cyflwynodd y Swyddog Trwyddedu adroddiad ysgrifenedig ar gais a dderbyniwyd gan Mr B am drwydded gyrru cerbyd hacni/hurio preifat. Gofynnwyd i'r Is-bwyllgor ystyried y cais yn unol â'r cofnod DBS, y canllawiau ar droseddau a chollfarnau perthnasol. Roedd yr Awdurdod Trwyddedu yn argymhell i'r Is-bwyllgor wrthod y cais.

Gwahoddwyd yr ymgeisydd i ymhelaethu ar y cais gan roi gwybodaeth am gefndir y collfarnau a'i amgylchiadau personol. Amlygodd ei fod yn edifarhau a bellach wedi aeddfedu. Nododd bod ganddo swydd gyfrifol yn y maes gofal a bod angen swydd ychwanegol arno i dalu ffioedd gofal plant gan fod ef a'i wraig yn gweithio llawn amser. Ategodd ei fod wedi datgelu'r troseddau i'w gyflogwr.

PENDERFYNWYD bod yr ymgeisydd yn berson addas a phriodol ar gyfer trwydded gyrrwr cerbyd hacni/hurio preifat gyda Chyngor Gwynedd.

Wrth gyrraedd eu penderfyniad, roedd yr Is-bwyllgor wedi ystyried y canlynol:

- Gofynion 'Polisi Trwyddedu ar gyfer Hurio Preifat a Cherbydau Hacni Cyngor Gwynedd'
- ffurflen gais yr ymgeisydd

- adroddiad yr Adran Drwyddedu ynghyd a'r datganiad DBS
- sylwadau ar lafar gan yr ymgeisydd
- Canllawiau'r Asiantaeth Trwyddedu Gyrwyr a Cherbydau

Rhodddwyd ystyriaeth benodol i'r materion canlynol

Yn Medi 2016 cafwyd yr ymgeisydd yn euog gan Lys Ynadon Gwynedd am yrru cerbyd o dan ddylanwad alcohol yn groes i Ddeddf Traffig a Ffyrdd 1988. Derbyniodd ddirwy o £300, costau o £85 ei wahardd o yrru am 18 mis (wedi ei leihau petai yn mynychu cwrs gyrru) ynghyd a thal ychwanegol o £30.

Yn Ebrill 2017 cafwyd yr ymgeisydd yn euog gan Lys Ynadon Gogledd Orllewin Cymru o ddefnyddio geiriau bygythiol, ymsosodol a sarhaus, neu ymddwyn yn afreolus i'r perwyl o achosi aflonyddu, braw neu ofid, yn groes i Ddeddf Trefn Cyhoeddus 1986. Derbyniodd yr ymgeisydd orchymyn cymunedol, costau o £85, costau ychwanegol ynghyd a chais i gwblhau gweithgaredd adsefydlu

Ystyriwyd paragraff 2.2 o Bolisi'r Cyngor lle nodi'r nad oes rheidrwydd i berson sydd â cholffarn am drosedd ddifrifol gael ei wahardd rhag cael trwydded, ond bydd disgwyl iddo fod yn rhydd rhag unrhyw gollfarnau am gyfnod priodol fel y nodir yn y Polisi, a dangos tystiolaeth ei fod yn unigolyn addas a phriodol i ddal trwydded. Mae cyfrifoldeb ar yr ymgeisydd i brofi ei fod yn berson addas a phriodol. Mae paragraff 2.4 yn nodi pan fydd ymgeisydd wedi'i gael yn euog o drosedd(au) neu fod mater arall/materion eraill i'w (h)ystyried yng nghyswllt hynny, ni chaiff y cyngor adolygu rhinweddau'r gollfarn honno na'r mater arall hwnnw.

Ystyriwyd paragraff 4.5 sydd yn nodi bod Gorchymyn Deddf Ailsefydlu Troseddwyr 1974 (Eithriadau) (Diwygio) 2002 yn caniatáu'r Is-bwyllgor ystyried pob collfarn, p'run ai ydynt wedi eu treulio o dan Ddeddf 1974 neu beidio.

Mae paragraff 6.0 o'r Polisi yn cyfarch troseddau o drais. Ym mharagraff 6.1 nodir, gan fod gyrwyr trwyddedig yn dod i gysylltiad agos gyda'r cyhoedd yn rheolaidd y byddai is-bwyllgor yn mabwysiadu safbwynt cadarn at y rhai hynny sydd â throseddau yn ymwneud a thrais. Mae paragraff 6.5 o'r Polisi yn nodi y bydd cais am drwydded fel rheol yn cael ei wrthod os oes gan yr ymgeisydd fater i'w ystyried am ymosodiad cyffredin a/neu ddifrod troseddol a /neu drosedd o dan Ddeddf Trefn Gyhoeddus 1986 sydd yn llai na 3 blynedd cyn dyddiad y cais.

Ystyriwyd paragraff 11.0 sydd yn cyfarch troseddau o yfed a gyrru. Ym mharagraff 11.1 fe nodir y byddai ystyriaeth ddifrifol i gollfarnau am yrru neu fod yn gyfrifol am gerbyd dan ddylanwad alcohol / cyffuriau. Bydd un sydd wedi ei gael yn euog o droseddau yn ymwneud ag yfed a gyrru yn annhebygol o gael trwydded hyd nes iddo fod yn rhydd rhag collfarn(au) o'r fath am 3 blynedd o leiaf.

Mae paragraff 16.1 o'r Polisi yn ymwneud ag ail-droseddu. Rhaid yn gyntaf sicrhau bod y collfarnau'n bodloni canllawiau'r polisi yn unigol, ond gyda'i gilydd yn creu hanes o ail-droseddu sydd yn dangos diffyg parch at les eraill ac eiddo. O dan y Polisi rhaid bod 10 mlynedd wedi mynd heibio ers y gollfarn fwyaf diweddar.

Daeth yr Is-bwyllgor i gasgliad bod y gollfarn o 2016 yn ymwneud ag yfed a gyrru a'r drosedd o 2017 yn ymwneud â throedd o drais. Roeddynt yn fodlon bod cyfnod yr amser a nodir yn y Polisi lle dylid gwrthod ceisiadau oherwydd troseddau o'r fath wedi mynd heibio yn achos y ddau fater. Serch hynny, gan fod 'patrwm' o aildroseddu ystyriwyd y mater o dan baragraff 16.1. O dan y paragraff hwnnw nodi'r dylid gwrthod cais os nad oes cyfnod o 10 mlynedd wedi mynd heibio ers y gollfarn olaf. Gan nad oedd cyfnod o'r fath wedi mynd heibio, ystyriodd yr Is-bwyllgor os oedd unrhyw resymau a thystiolaeth wedi eu cyflwyno i'w perswadio yn wahanol.

Ystyriwyd natur y patrwm o ail-droseddu a nodwyd bod y ddwy gollfarn wedi digwydd yn agos at ei gilydd (yn 2016 a 2017) ac nad oedd unrhyw gollfarnau pellach wedi hynny. Ystyriwyd hefyd dystiolaeth yr ymgeisydd ynglŷn â natur y troseddau ar eglurhad a gafwyd am gefndir y troseddau a'i amgylchiadau personol.

Wedi pwyso a mesur y dystiolaeth ar wybodaeth yn ofalus, penderfynodd yr Is-bwyllgor fod natur y patrwm o ail-droseddu a'r dystiolaeth o'r hyn oedd wedi digwydd ers y gollfarn olaf yn cyfiawnhau gwyrto oddi wrth y Polisi. O ganlyniad roedd yr Is-bwyllgor o blaid caniatáu y cais a phenderfynwyd bod yr ymgeisydd yn berson addas a phriodol i ddal trwydded gyrrwr cerbyd hacni a hurio preifat.

Adroddodd y Cyfreithiwr y byddai'r penderfyniad yn cael ei gadarnhau yn ffurfiol drwy lythyr i'r ymgeisydd.

Dechreuodd y cyfarfod am 15 :00 a daeth i ben am 16 :10

IS-BWYLLGOR TRWYDDEDU CYFFREDINOL 05-10-21

Yn bresennol:

Cynghorwyr: Y Cynghorydd Annwen Hughes (Cadeirydd)
Y Cynghorwyr Elin Walker Jones ac Eryl Jones Williams

Swyddogion: Sïon Huws (Uwch Gyfreithiwr), Gwenan Mai Roberts (Rheolwr Trwyddedu) a Lowri Haf Evans (Swyddog Gwasanaethau Democratiaeth)

1. YMDDIHEURIADAU

Dim i'w nodi

2. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

3. MATERION BRYD

Dim i'w nodi

4. CAU ALLAN Y WASG A'R CYHOEDD

PENDERFYNWYD cau'r wasg a'r cyhoedd allan o'r cyfarfod yn ystod y drafodaeth ar yr eitemau canlynol gan ei fod yn debygol y datgelir gwybodaeth eithriedig fel y'i diffinnir ym mharagraffau 12 ac 13, Rhan 4, Atodiad 12 A, Deddf Llywodraeth Leol 1972. Mae'r paragraffau yma yn berthnasol oherwydd bod gan yr unigolion dan sylw'r hawl i breifatrwydd ac nad oes unrhyw fudd cyhoeddus sy'n gofyn am ddatgelu gwybodaeth bersonol am yr unigolion nac yn gofyn am eu hadnabod. O ganlyniad mae'r budd cyhoeddus o gadw'r wybodaeth yn eithriedig yn gorbwyso'r budd cyhoeddus o'i datgelu.

5. Croesawodd y Cadeirydd bawb i'r cyfarfod. Amlygodd y byddai'r penderfyniadau yn cael ei gwneud yn unol â pholisi trwyddedu Cyngor Gwynedd. Nodwyd mai pwrpas y polisi oedd gosod canllawiau ar y meini prawf wrth ystyried cais yr ymgeisydd gyda'r nod o ddiogelu'r cyhoedd drwy sicrhau:

- Bod yr unigolyn yn unigolyn addas a phriodol
- Nad yw'r unigolyn yn fygythiad i'r cyhoedd
- Bod y cyhoedd wedi'u diogelu rhag pobl anonest
- Bod plant a phobl ifanc wedi'u diogelu
- Bod pobl ddiamddiffyn wedi'u diogelu
- Bod y cyhoedd yn gallu bod yn hyderus wrth ddefnyddio cerbydau trwyddedig.

CAIS AM DRWYDDED GYRRU CERBYD HACNI / HURIO PREIFAT – Mr A

Cyflwynodd y Swyddog Trwyddedu adroddiad ysgrifenedig ar gais a dderbyniwyd gan Mr A am drwydded gyrru cerbyd hacni/hurio preifat. Gofynnwyd i'r Is-bwyllgor ystyried y cais yn unol â'r cofnod DBS, y canllawiau ar droseddau a cholffarnau perthnasol. Roedd yr Awdurdod Trwyddedu yn argymhell i'r Is-bwyllgor ganiatáu y cais.

Gwahoddwyd yr ymgeisydd i ymhelaethu ar ei gais gan roi gwybodaeth am gefndir y gollfarn a'i amgylchiadau personol. Eglurodd bod y gollfarn yn un ar gyfer hylendid bwyd ac nad oedd wedi troseddu cyn nac ar ôl hynny. Nododd bod ganddo deulu ifanc a'i fod angen swydd ychwanegol oedd yn cynnig hyblygrwydd iddo dreulio amser gyda'i deulu. Eglurodd bod ganddo brofiad o fod yn ofalwr ac felly yn deall y cyfrifoldebau oedd yn ymwneud a bod yn yrrwr tacsï addas a phriodol a bod ganddo gwmni tacsï oedd yn fodlon ei gyflogi.

PENDERFYNWYD bod yr ymgeisydd yn berson addas a phriodol ar gyfer trwydded gyrrwr cerbyd hacni/hurio preifat gyda Chyngor Gwynedd.

Wrth gyrraedd eu penderfyniad, roedd yr Is-bwyllgor wedi ystyried y canlynol:

- Gofynion 'Polisi Trwyddedu ar gyfer Hurio Preifat a Cherbydau Hacni Cyngor Gwynedd'
- ffurflen gais yr ymgeisydd
- adroddiad yr Adran Drwyddedu ynghyd a'r datganiad DBS
- sylwadau ar lafar gan yr ymgeisydd
- Canllawiau'r Asiantaeth Trwyddedu Gyrrwr a Cherbydau

Rhodddwyd ystyriaeth benodol i'r materion canlynol

Yn Ionawr 2020 cafwyd yr ymgeisydd yn euog gan Lys Ynadon Gogledd Cymru ar dorri unrhyw ddarpariaethau rheoliadau hylendid bwyd, yn groes i Erthyglau 14 (1) 16 18 (2) 18 (3) neu 19 o Reoliad (EC) 178/2002 Rheoliadau Bwyd Cyffredinol 2004. Derbyniodd ddirwy o £330 gyda thal ychwanegol o £33.00 a chostau £150

Ystyriwyd paragraff 2.4 o Bolisi'r Cyngor sydd yn nodi pan fydd ymgeisydd wedi'i gael yn euog o drosedd(au) neu fod mater arall/materion eraill i'w (h)ystyried yng nghyswllt hynny, ni chaiff y cyngor adolygu rhinweddau'r gollfarn honno na'r mater arall hwnnw.

Ystyriwyd paragraff 4.5 sydd yn nodi bod Gorchymyn Deddf Ailsefydlu Troseddwy 1974 (Eithriadau) (Diwygio) 2002 yn caniatáu'r Is-bwyllgor ystyried pob collfarn, p'run ai ydynt wedi eu treulio o dan Ddeddf 1974 neu beidio.

Mae rhan 17 o'r Polisi yn ymwneud â thorri deddf, is-ddeddf neu amod trwydded. Nodir ei fod yn annhebygol y rhoddir trwydded i ymgeisydd â ganddo gollfarn neu fater arall i'w ystyried yn gysylltiedig â thorri deddf, oni bai bod cyfnod o 12 mis wedi mynd heibio ers yr achos mwyaf diweddar.

Daeth yr Is-bwyllgor i gasgliad bod digon o amser wedi mynd heibio ers i'r ymgeisydd gael ei ddyfarnu'n euog am i'r trothwy deuddeg mis o dan y Polisi fod wedi mynd heibio. Ni chafwyd unrhyw gollfarnau dilynol ac ni chafwyd unrhyw gollfarnau blaenorol eraill. Derbyniwyd bod yr ymgeisydd yn cydnabod difrifoldeb troseddau yn ymwneud â diogelwch bwyd ac yn derbyn ei fod wedi gwneud camgymeriad ynghyd a deall a derbyn difrifoldeb a phwysigrwydd y cyfrifoldeb fyddai arno wrth yrru a chludo teithwyr.

Ystyriwyd hefyd nad oedd tystiolaeth bod ei gyflwr meddygol (Clefyd Siwgr Math 2 ysgafn) yn broblem a'i fod yn cael ei gadw dan reolaeth trwy ddeiet yn unig.

Wedi pwysu a mesur y dystiolaeth ar wybodaeth yn ofalus, roedd yr Is-bwyllgor o blaid caniatáu y cais a phenderfynwyd bod yr ymgeisydd yn berson addas a phriodol i ddal trwydded gyrrwr cerbyd hacni a hurio preifat.

Adroddodd y Cyfreithiwr y byddai'r penderfyniad yn cael ei gadarnhau yn ffurfiol drwy lythyr i'r ymgeisydd.

Dechreuodd y cyfarfod am 15 :30 a daeth i ben am 16 :10

Eitem 6

PWYLLGOR	PWYLLGOR TRWYDDEDU CYFFREDINOL
DYDDIAD:	6 Ragfyr 2021
TEITL:	RHEOLI SEFYDLIADAU RHYW - DEDDF LLYWODRAETH LEOL (DARPARIAETHAU AMRYWIOL) 1982
PWRPAS:	CYMERADWYO TREFN PROSESU CEISIADAU, FFFIOEDD AC AMODAU SAFONOL AR GYFER TRWYDDEDU A RHEOLEIDDIO SEFYDLIADAU RHYW
AWDUR:	PENNAETH YR ADRAN AMGYLCHEDD

1. GWYBODAETH GEFNDIROL

- 1.1 Mae'n ofynnol i Awdurdod Trwyddedu sydd yn dymuno rheoleiddio sefydliadau rhyw yn ei ardal fabwysiadu darpariaethau Atodlen 3 o'r Ddeddf Llywodraeth Leol (Darpariaethau Amrywiol) 1982 ("Deddf 1982"), fel y'i diwygiwyd gan y Ddeddf Plismona a Throseddu 2009 ("Deddf 2009").
- 1.2 Mae mabwysiadu Atodlen 3 o Ddeddf 1982 yn rym dewisol, ac fel arfer yn digwydd pan gyflwynir rhybudd o friad i agor busnes o'r fath am y tro cyntaf. penderfyniad wedi ei wneud i flaenoriaethu'r argymhelliad i'r Cyngor Llawn fabwysiadu'r drefn, oherwydd bod cwmni wedi cyflwyno cais o friad i agor siop rhyw yn Abermaw, a bod hyn wedi amlygu'r bwlch yn y gyfundrefn drwyddedu.
- 1.3 Fe fu i'r Pwyllgor Trwyddedu Cyffredinol ystyried yr angen i fabwysiadu trefn o'r fath a chynnal ymgynghoriad cyhoeddus ar hynny, yn ei gyfarfod ar 19 Gorffennaf 2021. Yn y cyfarfod hwnnw, cymeradwyodd y Pwyllgor i fynd ati i ymgymryd â'r broses o ystyried mabwysiadu Atodlen 3 fel y'i diwygiwyd gan Ddeddf 2009, er mwyn sicrhau cyfundrefn ar gyfer trwyddedu a rheoleiddio sefydliadau rhyw drwy'r sir.
- 1.4 Yn ogystal, fe gymeradwyodd y Pwyllgor i awdurdodi'r Pennaeth Adran Amgylchedd i ymgymryd â phroses o ymgynghori am 28 diwrnod, gan gychwyn ar 26 Gorffennaf 2021. Pan ddaeth y cyfnod ymgynghoriad i ben, cyflwynwyd adroddiad arall i'r Pwyllgor Trwyddedu Cyffredinol ar y 13 o Fedi i ystyried yr ymatebion i'r ymgynghoriad, ac i wneud penderfyniad terfynol ynglŷn ag argymhelliad i'r Cyngor Llawn.
- 1.5 Fe wnaethpwyd penderfyniad i flaenoriaethu'r argymhelliad i'r Cyngor Llawn fabwysiadu'r drefn, oherwydd bod cwmni wedi cyflwyno cais o friad i agor siop rhyw yn Abermaw, a bod hyn wedi amlygu'r bwlch yn y gyfundrefn drwyddedu.
- 1.6 Penderfyniad unfrydol y Pwyllgor hwn oedd i argymhell i'r Cyngor Llawn fabwysiadu'r grymoedd, ynghyd ag argymhellion cysylltiol ar y rhybudd statudol, y dyddiad y daw'r mabwysiadu i rym, a dirprwyo'r grym i'r Pwyllgor Trwyddedu Cyffredinol i bennu ffioedd, amodau safonol a chynllun prosesu ceisiadau.
- 1.7 Yn ei gyfarfod dyddiedig y 7fed o Hydref; fe benderfynodd y Cyngor Llawn yn seiliedig ar benderfyniad y Pwyllgor hwn, casgliadau'r ymgynghoriad cyhoeddus, casgliadau yr Asesiad Cydraddoldeb a llesiant yn ogystal a barn y swyddogion statudol i gymeradwyo mabwysiadu'r drefn rheoleiddio ar gyfer sefydliadau rhyw fel a ganlyn –
 - Mabwysiadu ledled y sir Atodlen 3 o Ddeddf Llywodraeth Leol (Darpariaethau Amrywiol) 1982, fel y'i diwygiwyd gan y Ddeddf Plismona a Throseddu 2009, gan ddod yn weithredol ddim cynt na 1 Rhagfyr 2021.
 - Cyfarwyddo'r Pennaeth Gwasanaethau Cyfreithiol i gyhoeddi'r hysbysebion statudol ynghlwm â'r penderfyniad i fabwysiadu am 2 wythnos yn olynol, gyda'r cyntaf ddim hwyrach na 28 diwrnod cyn y dyddiad y daw'r penderfyniad i rym.
 - Dirprwyo'r materion o bennu ffioedd, gosod amodau safonol a chynllun prosesu'r ceisiadau i'r Pwyllgor Trwyddedu Cyffredinol

- 1.8 Cadarnheir fod yr hysbysebion statudol ynghlwm a'r penderfyniad, wedi ymddangos yn y papurau newydd lleol yn unol a'r drefn. Gweler gopi o'r hysbyseb yn yr atodiad i'r adroddiad hwn.

Grymoedd fydd ar gael i'r cyngor yn dilyn mabwysiadau Atodlen3

- 1.9 Mae mabwysiadu'r grymoedd yn Atodlen 3 fel y'i diwygiwyd ledled y sir yn galluogi'r Cyngor i reoleiddio a thrwyddedu sefydliadau rhyw. Mae sefydliadau rhyw yn cynnwys:
- Siop ryw (gwerthiant o nwyddau o natur rywiol)
 - Sinema rhyw (dangos ffilmiau gyda chynnwys sylweddol o natur rywiol)
 - Mangre adloniant rhywiol (eiddo busnes sydd yn cynnal adloniant byw o natur rywiol yn aml a rheolaidd).
- 1.10 Fe fydd yn cyflwyno hawl i'r Cyngor i osod amodau safonol ar drwyddedau sefydliad rhyw a chodi ffi rhesymol mewn perthynas â nhw.
- 1.11 Yn olaf, byddai mabwysiadu yn galluogi'r Cyngor i gymryd camau gorfodaeth mewn perthynas â'r troseddau canlynol (nodir y gosb uchafswm o gollfarnu gan Lys Ynadon mewn cromfachau):
- defnyddio unrhyw adeilad, cerbyd, cwch neu stondin fel sefydliad rhyw ac eithrio pan fo hynny'n unol â thrwydded a roddir gan y Cyngor (dirwy diderfyn);
 - gwneud datganiad ffals mewn perthynas â chais am drwydded sefydliad rhyw (dirwy di-derfyn);
 - methiant deilydd trwydded i arddangos ei drwydded heb esgus resymol (dirwy heb fod yn uwch na lefel 3 ar y raddfa safonol, sef £1,000.00 ar hyn o bryd).

2 Hysbysebion statudol

Yn unol a chyfarwyddyd y Cyngor llawn a gofynion cyfreithiol, gellir cadarnhau fod Rhybudd statudol wedi ei gyhoeddi yn y wasg ynghlwm â'r penderfyniad i fabwysiadu am 2 wythnos yn olynol, gyda'r cyntaf wedi ymddangos dim hwyrach na 28 diwrnod cyn y dyddiad y daw'r penderfyniad i rym. Gweler copi o'r hysbyseb yn yr atodiad i'r adroddiad.

3 Polisi trwyddedu sefydliadau rhyw

- 3.1 Mae'r Cyngor yn ystyried pob cais am drwydded yn unol a'i rinweddau ei hun. Er mwyn cysondeb, tegwch a thryloywder mae'r Gwasanaeth Trwyddedu a'r Pwyllgor hwn dros y blynyddoedd wedi mabwysiadu sawl polisi ac egwyddorion cyffredinol er pwrpas cynnig arweiniad yn ei ystyriaeth o geisiadau am drwydded.
- 3.2 Mae dogfen bolisi felly wedi ei lunio er cymeradwyaeth y Pwyllgor hwn; sydd yn cwmpasu'r prosesau a fabwysiedir mewn perthynas a Sefydliadau Rhyw.
- 3.3 Mae'r Polisi yn manylu ar y broses o geisio am drwydded, adnewyddu, amrywio a throsglwyddo trwyddedau sefydliad rhyw mewn perthynas ag eiddo sydd yn gweithredu oddi fewn i dalgylch Cyngor Gwynedd. Gweler y ddogfen Bolisi yn ei chyfanrwydd yn yr atodiad.

4 Proses trwyddedu

- 4.1 Er mwyn sicrhau trefn a chysondeb a cyfle i'r cyhoedd ac awdurdodau cyfrifol gyflwyno sylwadau; mae trefn benodol wedi ei sefydlu ar gyfer ymgeisio am drwydded.
- 4.2 Fe fydd angen i gais am drwydded gael ei derbyn ar ffurflen gais dynodedig; ac fe fydd angen i'r cais gael ei hysbysebu ar yr eiddo am 21 diwrnod ac yn y wasg am gyfnod penodol. Fe fydd angen i'r ymgeisydd sicrhau fod y rhybudd o gais yn darparu gwybodaeth digonol ar y bwriad; gan gynnwys manylion oriau agor a sut i wneud sylwadau ar y cais.
- 4.3 Fe fydd Cyngor Gwynedd yn gyfrifol am ymgynghori gyda Awdurdodau Cyfrifol gan gynnwys yr Heddlu, Awdurdod Cynllunio, Awdurdod Addysg, Gwasanaethau Cymdeithasol a'r Awdurdod Tan ac Achub yn ogystal ag Aelodau lleol.

- 4.4 Disgwylir y bydd unrhyw ymatebion yn cael eu derbyn yn ysgrifenedig , ddim hwyrach na 28 diwrnod ar ôl dyddiad derbyn y cais
- 4.5 Os fydd unrhyw ymatebion yn cael eu derbyn, fe fydd cais yn cael ei gyfeirio at Is Bwyllgor o'r Pwyllgor hwn am benderfyniad. Os nad oes ymatebion ar gais, fe fydd yn cael ei gymeradwyo gan y swyddogion awdurdodedig yn unol a'r hawliau dirprwyedig a bennir.
- 4.6 Mae'r ddogfen Polisi Sefydliadau Rhyw yn yr atodiad yn manylu y broses drwyddedu yn llawn ; ynghyd a sail gwrthwynebu cais a'r broses apêl.
- 4.7 Fe fydd trwydded wedi ei chymeradwyo yn parhau am flwyddyn; ac os bwriedir cyflwyno cais i adnewyddu trwydded , fe fydd rhaid gwneud hynny mewn da o bryd.
- 4.8 Fe fydd cais i adnewyddu trwydded hefyd yn cael ei gyfeirio i'r Is Bwyllgor os derbynir ymatebion ar y cais.

5 Gosod amodau safonol

- 4.9 Mae cyfundrefn rheoleiddio Atodlen 3 yn caniatáu i'r Cyngor fel Awdurdod Trwyddedu i roi amodau neu chyfyngiadau ar y drwydded a all gynnwys cyfyngiadau oriau agor, cyfyngiadau ar ymddangosiad (displays) a hysbysebu ar yr eiddo, edrychiad a pha mor weladwy yw tu mewn i'r eiddo o'r tu allan ayyb.
- 4.10 Mae'r amodau safonol i'w weld yn eu manylder llawn yn y r atodiad i'r Ddogfen Polisi Sefydliadau Rhyw.
- 4.11 Fe welir fod yr amodau yn cynnig hyblygrwydd i'r Is Bwyllgor Trwyddedu i newid neu ddileu neu ychwanegu amodau lle mae'n briodol i wneud hynny .

4. Ffioedd

- 4.1 Mae'r ddeddfwriaeth yn gosod hawl i godi ffi am drwyddedau sefydliadau rhyw. Fe adolygir ffioedd trwyddedau yn flynyddol; ac mae'n rhaid gosod ffi sydd yn ddigonol i ganiatáu'r Cyngor i adennill costau .
- 4.2 Fe osodwyd y ffi presennol sy'n bodoli ers 2013. Nid yw y ffi trwydded siop rhyw wedi derbyn adolygiad blynyddol fel ffioedd eraill; gan fod yr unig siop yn y sir oedd ym Mangor wedi cau ers rhai blynyddoedd.
- 4.3 Mae'r ffi presennol o £310 wedi ei hadolygu er mwyn ystyried yn llawn costau prosesu a gweinyddu trwyddedau siopau rhyw o dan y drefn rheoleiddio newydd sydd wedi ei mabwysiadu gan y Cyngor. Yn dilyn adolygiad o gostau ; y ffi fydd yn cael ei gosod ar gyfer ceisiadau newydd fydd £560 ac ar gyfer ceisiadau adnewyddu, £505.

5. ARGYMHELLIAD

- 5.1 Bod y Pwyllgor yn :
 - Cymeradwyo Mabwysiadu ledled y sir y Datganiad o Bolisi Trwyddedu Sefydliadau Rhyw fydd yn gosod gweithdrefnau ac amodau er mwyn caniatáu rheoleiddio sefydliadau rhyw drwy gyfundrefn drwyddedu; yn weithredol o'r 6ed o Ragfyr 2021.
 - Cymeradwyo gosod y ffi a nodir sydd adlewyrchu gweinyddu a phrosesu ceisiadau am drwydded sefydliad rhyw ; a chymeradwyo adolygiad blynyddol o'r ffioedd hynny.

Cyngor Gwynedd

Deddf Llywodraeth Leol (Darpariaethau Amrywiol) 1982

Datganiad o Bolisi Trwyddedu Sefydliadau Rhyw



CYNNWYS

Tudalen

DATGANIAD O BOLISI TRWYDDEDU SEFYDLIADAU RHYW

1. Cyflwyniad
2. Y Gyfraith
3. Y Broses Ymgeisio.
4. Ystyried Cais.

Ystyried Sylwadau

Seiliau dros Wrthod

Ffactorau i'w Hystyried

Pa mor Addas yw'r Ymgeisydd

Ymddygiad a Rheoli

5. Penderfynu ar Gais
6. Gorfodi ac Archwilio Eiddo

ATODIAD A - Rheoliadau ac Amodau Safonol y Drwydded.

ATODIAD B - Amod yn ymwneud â Lleoliadau Adloniant Rhyw.

DATGANIAD O BOLISI TRWYDDEDU SEFYDLIADAU RHYW

1. CYFLWYNIAD

- 1.1 Mae Cyngor Gwynedd fel Awdurdod Trwyddedu yn ystyried pob cais am drwydded ac yn penderfynu ar bob un cais ar ei rinweddau unigol. Fodd bynnag, er cysondeb, tryloywder a thegwch, dros y blynyddoedd mae'r Pwyllgor Trwyddedu wedi mabwysiadu nifer o bolisiau ac egwyddorion cyffredinol i'w dywys wrth ystyried ceisiadau.
- 1.2 Mae manylion y polisiau a'r egwyddorion hynny sy'n berthnasol i reoli Sefydliadau Rhyw wedi cael eu hamlinellu yn y ddogfen hon. Mae'r polisi yn berthnasol i geisiadau am caniatáu, adnewyddu, amrywio a throsglwyddo trwyddedau sefydliadau rhyw ar gyfer eiddo sy'n gweithredu yn ardal Cyngor Gwynedd.
- 1.3 Cyflwynodd y Ddeddf Llywodraeth Leol (Darpariaethau Amrywiol) 1982 (y Ddeddf) gynllun trwyddedu i reoli sefydliadau rhyw, sef, siopau rhyw a sinemâu rhyw. Mae'r Ddeddf wedi cael ei haddasu gan y Ddeddf Plismona a Throsedd 2009 i gynnwys eiddo sy'n darparu adloniant o'r math dawnsio glin.
- 1.4 Nid oes modd gorfodi'r cynllun os nad yw'r awdurdod lleol wedi mabwysiadu'r Ddeddf. Mabwysiodd y Cyngor Ddeddf 1982, fel y'i diwygiwyd, mewn cyfarfod o'r Cyngor Llawn ar 7 Hydref 2021; ac fe ddaw'n weithredol ar y 6ed o Rhagfyr 2021.
- 1.5 Mae'r cynllun trwyddedu yn gosod dyletswydd ar awdurdod lleol i wrthod trwydded trwy gyfeirio at, ymysg pethau eraill, euogfarnau ymgeiswyr. Mae hefyd yn rhoi'r grym i awdurdod lleol wrthod caniatáu neu adnewyddu trwydded trwy gyfeirio at nifer y sefydliadau rhyw y mae'r awdurdod lleol yn ystyried sy'n briodol i ardal leol yr eiddo, testun y cais a chymeriad yr ardal leol.
- 1.6 Mae'r datganiad hwn yn amlinellu polisi'r Cyngor fydd yn arwain yr awdurdod trwyddedu wrth ystyried ceisiadau am drwyddedau, gan ystyried ysbryd a bwriad Deddf 1982 a chyfraith achos a benderfynwyd ers hynny. Ni fydd y Cyngor yn dilyn y polisi hwn yn hollol gaeth, yn hytrach, bydd yn ystyried yr holl ffactorau perthnasol wrth benderfynu ar gais. Caiff pob achos ei benderfynu yn ôl ei rinweddau ei hun.

2 Y GYFRAITH.

Cyflwynodd Atodlen 3 Deddf Llywodraeth Leol (Darpariaethau Amrywiol) 1982 system drwyddedu i reoli sefydliadau rhyw. Ni all unrhyw sefydliad rhyw weithredu heb dderbyn trwydded gan y Cyngor. Gall trwydded o'r fath gynnwys amodau fydd yn cyfyngu ar sut all yr eiddo hwnnw fasnachu. Diwygiwyd Deddf 1982 gan Adran 27 y Ddeddf Plismona a Throsedd a ychwanegodd Lleoliad Adloniant Rhyw fel eiddo sy'n rhaid cael trwydded.

Diffiniadau

Yn y ddogfen hon, bydd yr ymadroddion a ganlyn yn golygu'r hyn a nodir isod:-

"Deddf 1982" - Deddf Llywodraeth Leol (Darpariaethau Amrywiol) 1982 fel y'i diwygiwyd gan Adran 27 Deddf Plismona a Throsedd 2009.

"Y Cyngor" - Cyngor Gwynedd

"Yr eiddo trwyddedig" - unrhyw eiddo, gerbyd, llong/cwch neu stondin sydd wedi'i drwyddedu dan Ddeddf 1982.

"Deilydd y drwydded" - person sy'n dal trwydded Sefydliad Rhyw.

"Oriau a ganiateir" - yr oriau y mae caniatâd i'r eiddo trwyddedig fod ar agor i'r cyhoedd dan Reoliadau 2 a 3.

"Trwydded Sefydliad Rhyw" - trwydded sydd wedi'i chaniatáu yn unol ag Atodlen 3 Deddf 1982.

Bydd gan yr ymadroddion a ganlyn, "Sefydliad Rhyw", "Siop Rhyw", "Sinema Rhyw", "Eitem Rhyw" a "Llong" yr un ystyr â roddir iddynt yn ôl eu trefn dan Atodlen 3 Deddf 1982. Wedi'u cynnwys isod:

"Sefydliad Rhyw" - "Sinema Rhyw" neu "Siop Rhyw"

Golyga "Sinema Rhyw" unrhyw eiddo, cerbyd, llong neu stondin a ddefnyddir i raddau sylweddol i arddangos ffilmiau, waeth sut maent wedi'u cynhyrchu,

- (a) sy'n ymwneud yn bennaf a phortreadu, neu'n ymdrin â neu'n berthnasol i, neu a fwriedir i ysgogi neu annog -
 - i) gweithgarwch rhywiol; neu
 - ii) gweithredoedd grym neu atal sy'n gysylltiedig â gweithgarwch rhyw; neu
- (b) sy'n ymwneud yn bennaf â phortreadu organau cenhedlu neu weithrediadau pi-pi ac ysgarthu, neu'n ymdrin neu'n ymwneud yn bennaf â hwy, ond nid yw'n cynnwys tai preswyl lle nad oes mynediad i'r cyhoedd.

"Siop Rhyw" - unrhyw eiddo, gerbyd, llong neu stondin a ddefnyddir i fusnes sy'n cynnwys graddau sylweddol o werthu, hurio, cyfnewid, benthyca, arddangos neu amlygu

-

- (a) eitemau rhyw; neu
- (b) bethau eraill y bwriedir eu defnyddio yn gysylltiedig â, neu er mwyn ysgogi neu annog -
 - i) gweithgarwch rhywiol; neu
 - ii) gweithredoedd o rym neu ataliaeth sy'n gysylltiedig â gweithgarwch rhyw.

"Eitemau Rhyw" - unrhyw beth sydd wedi'i wneud er mwyn ei ddefnyddio mewn cysylltiad â, neu er mwyn ysgogi neu annog -

- i) gweithgarwch rhywiol; neu
 - ii) gweithredoedd o rym neu ataliaeth sy'n gysylltiedig â gweithgarwch rhyw; ac
- (a) unrhyw beth y mae'r is-baragraff isod yn berthnasol iddo.

Mae'r is-baragraff hwn yn berthnasol i -

- (a) unrhyw eitemau sy'n cynnwys neu'n ymgorffori deunydd i gael ei ddarllen, i edrych arno neu unrhyw beth y bwriedir ei ddefnyddio, un ai ar ben ei hun neu fel rhan o gyfres, i atgynhyrchu neu gynhyrchu unrhyw eitemau o'r fath; ac
- (b) i unrhyw recordiad o luniau neu sŵn, sy'n -
 - i) ymwneud yn bennaf â phortreadu, neu sy'n ymdrin yn bennaf neu'n berthnasol i, neu a fwriedir i ysgogi neu annog, gweithgarwch rhyw neu weithredoedd grym neu ataliaeth sy'n gysylltiedig â gweithgarwch rhyw; neu
 - ii) sy'n ymwneud yn bennaf â phortreadu, neu'n ymdrin yn bennaf neu'n ymwneud ag organau cenhedlu neu weithrediadau pi-pi ac ysgarthu, ond nid yw'n cynnwys tai preswyl lle nad oes mynediad i'r cyhoedd.

"Lleoliad Adloniant Rhyw" - eiddo sy'n darparu adloniant i gynulleidfa, yn amlach nag unwaith y mis, perfformiadau byw neu ddangos noethni y bwriedir iddo beri cynnwrf rhywiol

3 Y BROSES YMGEISIO

- 3.1 Mae modd ymgeisio am drwydded newydd neu adnewyddu, amrywio neu drosglwyddo trwydded bresennol. Rhaid llenwi a chyflwyno'r ffurflen gais gydag unrhyw ddogfennaeth berthnasol sy'n cefnogi'r cais a'i dychwelyd i'r awdurdod trwyddedu gyda'r ffi briodol yn unol â ffioedd a thaliadau'r Cyngor.
- 3.2 Mae'r awdurdod wedi cytuno i amodau safonol (Atodiad A) trwydded y bydd gofyn i bob ymgeisydd gydymffurfio â hwy.
- 3.3 Bydd angen hysbysebu rhybudd o'r cais ar yr eiddo, neu wrth ei ymyl, ac mewn papur newydd sy'n cael ei ddsbarthu yn ardal yr eiddo. Rhaid i'r rhybudd nodi'n glir at ba eiddo y mae'n cyfeirio. Bydd y rhybudd ar yr eiddo, neu wrth ei ymyl, yn cael ei arddangos am 21 diwrnod gan ddechrau ar ddyddiad y cais a rhaid ei roi mewn lleoliad sy'n gyfleus i'r cyhoedd ei ddarllen. Bydd y rhybudd yn y papur newydd yn cael ei gyhoeddi ddim hwy na 7 diwrnod ar ôl dyddiad y cais. Bydd y rhybudd yn darparu manylion yr ymgeisydd a phwrpas y cais, yr oriau gweithredu arfaethedig a bydd yn cynghori unrhyw un sy'n dymuno gwneud sylwadau i wneud hynny gan gofio eu cyflwyno o fewn y cyfnod hwnnw.
- 3.4 Bydd yr awdurdod trwyddedu yn ymgynghori â Heddlu Gogledd Cymru, Gwasanaeth Tân ac Achub Gogledd Cymru, yr awdurdod cynllunio, yr awdurdod addysg, cynrychiolwyr busnesau lleol a chynghorwyr wardiau lleol. Efallai y bydd yr ymgeiswyr yn dymuno trafod y cais gyda chynrychiolwyr lleol neu grwpiau preswylwyr lleol cyn cyflwyno cais.

4 YSTYRIED CAIS

Bydd y Cyngor yn ystyried pob cais yn ôl ei rinweddau unigol.

Ystyried Sylwadau

- 4.1 Rhaid i sylwadau ar gais am drwydded ddatgan pam eu bod yn gwrthod a rhaid eu cyflwyno'n ysgrifenedig i'r awdurdod, i gael eu derbyn ddim hwyrach na 28 diwrnod ar ôl dyddiad derbyn y cais.
- 4.2 Bydd ceisiadau am gymeradwyo, trosglwyddo neu amrywio trwydded, neu i adnewyddu trwydded sy'n derbyn sylwadau, yn cael eu cyfeirio at Bwyllgor Gwarchod y Cyhoedd er mwyn i'r aelodau benderfynu ar y cais. Os na dderbynnir unrhyw wrthwynebiadau, bydd ceisiadau i adnewyddu trwydded yn cael eu cymeradwyo dan awdurdod dirprwyedig gan swyddogion.
- 4.3 Pan fo'r awdurdod yn derbyn sylwadau, bydd yn rhoi manylion am nifer y sylwadau a'u natur gyffredinol i'r ymgeisydd.

Seiliau dros Wrthod

4.4 Bydd cais am drwydded yn gyffredinol yn cael ei wrthod ar y seiliau a ganlyn, sydd wedi'u cynnwys yn Neddf Llywodraeth Leol (Darpariaethau Amrywiol) 1982:

- a) mae'r ymgeisydd yn iau na 18 mlwydd oed
- b) mae'r ymgeisydd wedi colli trwydded yn y flwyddyn ddiwethaf
- c) nid yw'r ymgeisydd wedi byw yn y DU yn y chwe mis diwethaf
- d) mae'r ymgeisydd yn gwmni, nad yw wedi'i ymgorffori yn y DU
- e) mae cais gan yr ymgeisydd ar gyfer yr eiddo wedi cael ei wrthod yn y deuddeg mis diwethaf

4.5 Mae modd gwrthod trwydded hefyd os yw'r Cyngor yn ystyried:

- a) fod yr ymgeisydd yn anaddas i ddal y drwydded am ei fod wedi derbyn collfarn am drwydded neu am unrhyw reswm arall
- b) pe bai'r busnes yn cael ei reoli neu ei weithredu er budd person, ac eithrio'r ymgeisydd, fyddai ddim yn derbyn trwydded pe bai'n ymgeisio am un ei hun.
- c) nifer y sefydliadau rhyw yn yr ardal berthnasol yn gyfartal neu'n uwch na'r nifer yr ystyrir yn briodol i'r cyffiniau gan y Pwyllgor.
- d) byddai caniatáu'r drwydded yn amhriodol o ystyried: -
 - (i) cymeriad yr ardal leol berthnasol; neu
 - (ii) defnydd unrhyw eiddo yn y cyffiniau; neu
 - (iii) gosodiad, cymeriad, cyflwr neu leoliad yr eiddo.

Ffactorau i'w Hystyried.

4.6 Wrth ystyried ceisiadau am gymeradwyo trwyddedau newydd neu amrywio amodau, bydd y Cyngor yn asesu'r tebygolrwydd y byddai cymeradwyo'r drwydded yn peri effeithiau andwyol, yn enwedig ar breswylwyr lleol. Bydd y Cyngor yn ystyried y materion cyffredinol a ganlyn: -

- y math o weithgaredd sydd yn yr arfaeth
- hyd y drwydded arfaethedig
- oriau gweithredu arfaethedig
- gosodiad a chyflwr yr eiddo
- defnydd eiddo yn y cyffiniau
- cymeriad yr ardal leol y mae'r eiddo wedi'i leoli ynddi.

4.7 Wrth ystyried ceisiadau am gymeradwyo trwyddedau newydd neu amrywio amodau, bydd y Cyngor yn ystyried effeithiau posib y gweithgaredd trwyddedig ar:-

- drosedd ac anhrefn
- effaith gronns eiddo trwyddedig yn yr ardal, yn cynnwys oriau gweithredu
- cymeriad yr ardal leol y mae'r eiddo wedi'i leoli ynddi
- p'un a oes mesurau priodol wedi'u cytuno ac a yw'r ymgeisydd wedi'u rhoi

ar waith i leddfu unrhyw effeithiau andwyol.

4.8 Ni fydd trwyddedau ond yn cael eu caniatáu mewn ardaloedd sy'n addas ar gyfer defnydd o'r fath yn ddibynnol ar amgylchiadau unigol. Mae'r Cyngor yn ystyriol o'i rym i benderfynu na ddylid lleoli sefydliad rhyw mewn lleoliad penodol ond bydd yn penderfynu ar leoliad fel mater o ffaith i gael ei benderfynu gan amgylchiadau penodol pob achos ac nid trwy lunio ffiniau ar fap.

4.9 Ar gyfer ceisiadau newydd, bydd y Cyngor yn defnyddio oriau gweithredu rhwng 09.00 a 18.00 ar unrhyw ddydd oni bai am ddydd Sul, Dydd Nadolig a Dydd Gwener y Grogolith pan na ddylid agor yr eiddo. Wrth ystyried lleoliad ceisiadau newydd, bydd y Cyngor yn ystyried: -

- agosrwydd i ardaloedd preswyl;
- agosrwydd i addoldai ac ysgolion;
- agosrwydd i ardaloedd sydd â'r lefelau uchaf o droseddau wedi'u cofnodi; ac
- effaith gronns gweithgareddau trwyddedig perthnasol yn y cyffiniau.

4.10 Pan gyflwynir cais i adnewyddu neu amrywio trwydded, bydd y Cyngor yn ystyried: -

- lefelau trosedd ac anrhefn wedi'u cofnodi yn y cyffiniau;
- tystiolaeth o effeithiau andwyol amlwg y gweithgaredd ar ddiogelwch a mwynderau preswylwyr lleol;
- p'un a oes mesurau priodol wedi'u cytuno ac a yw'r ymgeisydd wedi'u rhoi ar waith i leddfu unrhyw effeithiau andwyol.

Addasrwydd yr Ymgeisydd

4.11 Rhaid i ymgeisydd fod yn berson addas a phriodol i ddal trwydded. Wrth benderfynu addasrwydd ar gyfer trwydded newydd neu drosglwyddo trwydded, bydd y Cyngor, yn y rhan fwyaf o achosion yn ystyried:-

- gwybodaeth a phrofiad blaenorol o'r ymgeisydd;
- unrhyw dystiolaeth o sut y mae'r ymgeisydd wedi gweithredu unrhyw drwydded bresennol neu flaenorol, yn cynnwys unrhyw drwydded a ddelir mewn unrhyw fwrdeistref arall;
- ac unrhyw adroddiad am yr ymgeisydd a sut y caiff yr eiddo ei reoli a dderbynnir gan wrthwynebwyr statudol.

Ymddygiad a Rheolaeth

4.12 Mae'r Cyngor yn gofyn i bob trwyddedai sicrhau ei fod ef a'i weithwyr yn cydymffurfio â'r holl amodau trwydded perthnasol a rheoliadau iechyd a diogelwch.

4.13 O ran rheoli eiddo trwyddedig, mae'r Cyngor yn annog yn gryf y dylai deilydd y drwydded, pan fo hynny'n bosib ac yn briodol: -

- weithio gydag asiantaethau statudol megis yr Heddlu, a'r Cyngor i greu a chynnal amgylchedd diogel, o fewn eiddo trwyddedig ac yn yr amgylchoedd

o'u hamgylch;

- yn arbennig y rhai hynny y mae eu heiddo wedi'u lleoli mewn ardaloedd gyda'r lefelau uchaf o drosedd wedi'u cofnodi, datblygu strategaethau atal trosedd mewn ymgynghoriad â'r Heddlu a'r Cyngor.
- datblygu strategaethau a gweithdrefnau i gynyddu mynediad i bobl anabl i'r eiddo;
- hyfforddi pob staff perthnasol mewn meysydd megis iechyd a diogelwch, cymorth cyntaf, a rhagofalon tân.

4.14 Yn gyffredinol, cyflwynir trwyddedau am flwyddyn ond gellir eu cyflwyno am gyfnod byrrach os yw hynny'n briodol.

5 PENDERFYNU AR GAIS

5.1 Oni bai fod y drwydded yn cael ei hadnewyddu heb wrthwynebiad; bydd cais yn cael ei benderfynu gan is-bwyllgor o aelodau Pwyllgor Trwyddedu Cyffredinol y cyngor. Bydd yr ymgeisydd yn derbyn copi o'r adroddiad Pwyllgor, yn cynnwys crynodeb o'r cais, sylwadau ac unrhyw wybodaeth berthnasol arall, cyn y cyfarfod. Bydd yr ymgeisydd ac unrhyw wrthwynebwyr neu gefnogwyr sydd wedi gwneud sylwadau o fewn y cyfnod statudol, yn cael gwybod am ddyddiad, amser a lleoliad y gwrandawriad i ystyried y mater ac yn derbyn gwahoddiad i'w fynyachu.

5.2 Bydd y Pwyllgor yn ystyried y cais mewn gwrandawriad. Wrth ystyried y cais bydd y drefn a ganlyn yn cael ei mabwysiadu:

- bydd yr ymgeisydd yn cael cyfle i wrando ar y gwrthwynebydd a nodi beth a ddywedir;
- dim ond gwrthwynebwyr, neu eu cynrychiolwyr, sydd wedi cyflwyno gwrthwynebiadau ysgrifenedig yn ystod y cyfnod ymgynghori statudol fydd yn cael caniatâd i siarad gerbron y Pwyllgor;
- caiff y gwrthwynebwyr, os ydynt yn bresennol, siarad gerbron y Pwyllgor os ydynt yn dymuno gwneud hynny. Rhaid i gyflwyniad y gwrthwynebydd gadw at yr hyn sydd wedi cael ei gyflwyno'n ysgrifenedig a sut mae'n berthnasol i'r seiliau statudol dros wrthod.
- wedyn fe gaiff yr ymgeisydd gyfle i siarad gerbron y pwyllgor ar y cais a darparu gwybodaeth i gefnogi'r cais.
- caiff y gwrthwynebydd fod yn bresennol i wrando ar achos yr ymgeisydd, ond ni chaiff siarad.
- y Pwyllgor i ofyn i'r gwrthwynebydd, yr ymgeisydd a'r cyhoedd i adael yr ystafell wrth i'r aelodau ystyried eu penderfyniad.
- gwahodd y gwrthwynebydd, yr ymgeisydd a'r cyhoedd i ddychwelyd i wrando ar y Pwyllgor yn datgan eu penderfyniad.
- bydd yr awdurdod trwyddedu yn cadarnhau'r penderfyniad yn ysgrifenedig i'r holl bartïon o fewn 7 diwrnod yn dechrau o ddiwrnod y gwrandawriad.

5.3 Bydd pob trwydded a gyflwynir yn destun i reoliadau ac amodau safonol y drwydded a ddangosir yn Atodiad A.

6 GORFODI AC ARCHWILIO EIDDO

- 6.1 Bydd yr Awdurdod Trwyddedu'n gweithio'n agos ag asiantaethau eraill yn ôl y gofyn i roi sylw i faterion perthnasol. Pan fydd camau gorfodi'n cael eu gweithredu, bydd hynny yn unol â'r egwyddorion a amlinellwyd ym Mholisi Gorfodi Trwyddedu'r awdurdod. Bydd systemau archwilio'n seiliedig ar asesiad risg o'r eiddo unigol.

ATODIAD A - Rheoliadau ac Amodau Safonol y Drwydded.

CYNGOR GWYNEDD RHEOLIADAU AR GYFER SEFYDLIADAU RHYW

Mae Cyngor Gwynedd, wrth arfer y grymoedd a roddir arno gan baragraff 13 Atodlen 3, Deddf Llywodraeth Leol (Darpariaethau Amrywiol) 1982 a phob grym arall sy'n ei alluogi i'r perwyl hwnnw i wneud y Rheoliadau a ganlyn.

Diffiniadau

1. (a) Yn y Rheoliadau hyn bydd gan yr ymadroddion a ganlyn, hynny yw "Sefydliad Rhyw", "Siop Rhyw", "Sinema Rhyw", "Lleoliad Adloniant Rhyw", "Nwyddau Rhyw", a "Llong" yr ystyron a roddir iddynt yn ôl eu trefn dan Atodlen 3 y Ddeddf.

(b) Dan y Rheoliadau hyn bydd yr ymadroddion a ganlyn yn golygu'r hyn a briodolir iddynt, sef:
-

"y Ddeddf" - Deddf Llywodraeth Leol (Darpariaethau Amrywiol) 1982.
"y Cyngor" - Cyngor Gwynedd.
"yr eiddo trwyddedig" - unrhyw eiddo, gerbyd, llestr neu stondin sydd wedi'i drwyddedu dan y Ddeddf
"Deilydd y drwydded" - unrhyw berson sy'n dal trwydded sefydliad rhyw.
"Trwydded sefydliad rhyw" - trwydded sydd wedi'i chaniatáu yn unol ag Atodlen 3 y Ddeddf.
"Cymeradwyaeth y Cyngor" - cymeradwyaeth y Cyngor yn ysgrifenedig dan law Pennaeth Adran Amgylchedd neu ei gynrychiolydd enwebedig.
"Caniatâd y Cyngor" - caniatâd ysgrifenedig y Cyngor.
"Cymeradwywyd" - gan y Cyngor yn ysgrifenedig.

Cyffredinol

2. Pe bai gwrthdaro rhwng y Rheoliadau hyn ac unrhyw amodau arbennig sydd wedi'u cynnwys mewn trwydded sy'n ymwneud â Sefydliad Rhyw'r amodau arbennig fydd yn trechu.
3. Mae'r Cyngor yn cadw'r hawl i addasu, dileu neu ychwanegu amodau ar unrhyw amser os tybir fod hynny'n briodol.
4. Ni ystyrir bod caniatáu trwydded ar gyfer Sefydliad Rhyw yn cyfleu unrhyw gymeradwyaeth neu gydsyniad a allai fod yn ofynnol dan unrhyw ddeddfiad, orchymyn neu reoliad ac eithrio'r Atodlen 3 Deddf Llywodraeth Leol (Darpariaethau Amrywiol) 1982. Wrth ddefnyddio'r Drwydded, bydd deilydd y Drwydded yn ystyried unrhyw ddeddfwriaeth sy'n ardaro'r gweithgareddau arfaethedig.

5. Bydd deilydd Trwydded Sefydliad Rhyw yn cadw at reoliadau ac amodau o'r fath wrth i'r Cyngor eu cymeradwyo o dro i dro.

Amseroedd Gweithredu

6. Ac eithrio pan fo caniatâd ymlaen llaw gan y Cyngor, ni fydd Sefydliad Rhyw ar agor i'r cyhoedd cyn 09.00 a ni fydd ar agor ar ôl 18.00.
7. Ac eithrio caniatâd ymlaen llaw gan y Cyngor, ni fydd Sefydliad Rhyw ar agor ar ddydd Sul, dydd Gwener y Groglith a Dydd Nadolig.

Amodau Safonol

8. Ni chaniateir defnyddio'r eiddo Trwyddedig ar gyfer unrhyw ddiben oni bai am fusnes Sefydliad Rhyw.
9. Pan fo'r Trwyddedai'n gorff corfforaethol neu'n gorff anghorfforedig, bydd unrhyw newid yn y Cyfarwyddwr / Ysgrifennydd y Cwmni neu unrhyw berson arall sy'n gyfrifol am reoli'r corff, i'w hysbysu i'r Cyngor o fewn 14 diwrnod o unrhyw newid ac mae unrhyw fanylion ysgrifenedig y gallai'r Cyngor fod eu hangen mewn perthynas ag unrhyw Gyfarwyddwr, Ysgrifennydd neu Reolwr newydd i'w cyflwyno i'r Cyngor o fewn 14 diwrnod i dderbyn cais ysgrifenedig gan y Cyngor.
10. Bydd y Trwyddedai, neu unrhyw berson a enwir gan y Trwyddedai yn ysgrifenedig at ddiben rheoli'r Sefydliad Rhyw yn ei absenoldeb, ac mae'r manylion (yn cynnwys ffotograffau) wedi cael eu cyflenwi a'u cymeradwyo'n ysgrifenedig gan y Cyngor, yn gyfrifol am redeg yr Eiddo yn ystod yr holl amser y mae ar agor i'r cyhoedd.
11. Bydd enw'r person sy'n gyfrifol am reoli'r Sefydliad Rhyw yn cael ei arddangos yn amlwg yn y Sefydliad Rhyw.
12. Ni chaiff unrhyw berson sydd wedi derbyn collfarn am:-
 - drosedd yn gysylltiedig â Sefydliad Rhyw trwyddedig neu heb drwydded
 - trosedd rhyw
 - trosedd yn ymwneud â gwerthu fideos sydd wedi'u cyfyngu i oedolion dros 18 oed fod yn gyflogedig yn yr eiddo na bod yn rhan o gyflenwi adloniant neu nwyddau yn yr eiddo.
13. Bydd y Trwyddedai neu'r person cyfrifol yn cadw cofrestr ddyddiol i'w chadw ar yr eiddo y bydd ef / hi yn ei defnyddio i gofnodi enw a chyfeiriad unrhyw berson sy'n gyfrifol am reoli'r Sefydliad Rhyw yn ei absenoldeb ac enwau a chyfeiriadau'r sawl sy'n gyflogedig yn y Sefydliad Rhyw. Dylid llenwi'r gofrestr pob diwrnod o fewn hanner awr i agor y Sefydliad Rhyw a dylai fod ar gael i gael ei harchwilio gan yr Heddlu a chan

swyddogion awdurdodedig y Cyngor.

Eiddo

14. Bydd copïau o'r drwydded a'r amodau sydd ynghlwm â'r drwydded yn cael eu harddangos yn amlwg er mwyn i bob person sy'n mynd i mewn i'r eiddo weld copi o'r drwydded a'r amodau.
15. Bydd y Trwyddedai'n cadw rheolaeth dros holl rannau'r eiddo a ni fydd yn gosod, trwyddedu nad yn trosglwyddo perchnogaeth o unrhyw ran o'r eiddo.
16. Bydd unrhyw ffi am fynediad i'r eiddo yn cael ei harddangos yn glir ac yn ddarllenadwy y tu allan i'r eiddo er mwyn i bawb ei ddarllen cyn mynd i mewn i'r eiddo.
17. Ni chaniateir gosod arddangosfa, hysbyseb, gair, llythyren, model, arwydd, hysbyslen, bwrdd, hysbysiad, dyfais, cynrychiolaeth, darlun, ysgrifen neu ddeunydd tebyg y tu allan i'r eiddo heb dderbyn caniatâd ysgrifenedig gan Gyngor Gwynedd, oni bai am yr arwyddion neu'r hysbysiadau hynny sy'n ofynnol dan amodau'r drwydded.
18. Bydd mynedfa'r eiddo yn cael ei dylunio a'i hadeiladu mewn modd fydd yn atal pobl o du allan i'r eiddo rhag gweld y tu mewn iddo.
19. Rhaid dylunio neu osod ffenestr i atal pobl sydd y tu allan i'r eiddo rhag gweld ei du mewn.
20. Ni fydd unrhyw ffenestr yn cynnwys unrhyw arwydd, deunydd hysbysebu, nwyddau neu arddangosfa sy'n debygol o achosi sarhad i unrhyw bobl sy'n mynd heibio'r ffenestr.
21. Rhaid i'r goleuadau ym mhob rhan o'r eiddo fod yn weithredol yn barhaus yn ystod yr holl amser mae'r eiddo ar agor fel sefydliad rhyw.
22. Bydd yr eiddo'n cael ei gadw i safon a chyflwr da.
23. Bydd pob rhan o'r Eiddo'n cael ei chadw mewn cyflwr glân a hylan hyd foddhad y Cyngor.
24. Bydd drysau ac agoriadau sy'n arwain i rannau o'r eiddo nad ydynt ar agor i'r cyhoedd yn cael eu marcio'n glir â "staff yn unig" neu ag arwydd arall sy'n atal y cyhoedd rhag defnyddio'r fath ddrysau neu agoriadau.
25. Bydd dyfais yn cael ei gosod ar ddrysau allanol y Sefydliad Rhyw er mwyn eu cau'n awtomatig a bydd dyfeisiau o'r fath yn cael eu cynnal a chadw er mwyn gweithio'n dda.
26. Bydd y Trwyddedai'n darparu modd o gael mynediad i'r Sefydliad Rhyw ac oddi mewn iddo ar gyfer anghenion aelodau o'r cyhoedd sy'n ymweld â'r sefydliad ac sy'n anabl.

27. Rhaid i bob arddangosfa a gweithgaredd tebyg fod yn agored ac ar gael i gwsmeriaid heb godi tâl arnynt yn ychwanegol i ffi mynediad y sefydliad a ni fydd ciwbicyls neu ystafelloedd unigol wedi'u dylunio i alluogi i bobl unigol neu grwpiau o bobl gael arddangosfeydd neu weithgaredd tebyg, heb gael awdurdod/caniatâd gan y Cyngor.
28. Rhaid gosod arwyddion rhybudd clir yn unol â Deddf (Rheoli) Arddangosfeydd Anwedus 1981 ym mynedfa'r eiddo.
29. Ni newidir defnydd unrhyw ran o'r Eiddo o'r hyn a gymeradwywyd gan y Cyngor heb dderbyn caniatâd y Cyngor.
30. Ni chaiff y defnydd newid o Sinema Rhyw i Siop Rhyw neu o Siop Rhyw i Sinema Rhyw heb dderbyn caniatâd y Cyngor.

Diogelwch

31. Bydd Deilydd y Drwydded yn cymryd pob cam rhesymol i sicrhau diogelwch y cyhoedd a'i weithwyr.
32. Bydd Deilydd y Drwydded yn cydymffurfio ag unrhyw fesurau atal tân a diogelwch sy'n ofynnol gan Wasanaeth Tân Gogledd Cymru a bydd yn cadw pob cyfarpar ymladd tân a diffodd tân a nodir ac yn sicrhau eu bod ar gael i'w defnyddio.

Ymddygiad a Rheolaeth

33. Bydd y Trwyddedai'n cadw trefn dda ar yr eiddo bob amser.
34. Ni fydd unrhyw berson iau na 18 mlwydd oed yn cael mynediad i'r eiddo.
35. Ni fydd tocynnau'n cael eu gwerthu nac unrhyw arian mynediad yn cael ei dderbyn mewn lleoliad y mae gan aelodau o'r cyhoedd, heblaw am gwsmeriaid y Sefydliad Rhyw, fynediad iddo.
36. Bydd y trwyddedai'n sicrhau nad yw'r eiddo yn cael ei ddefnyddio gan buteiniaid (gwryw neu fenyw) ar gyfer llithio neu unrhyw ddiben anfoesol.
37. Ni fydd y trwyddedai nac unrhyw berson arall yn ceisio masnach ar gyfer y sefydliad rhyw drwy lithiad personol y tu allan neu yng nghyffiniau'r sefydliad.
38. Ni chaiff unrhyw daflen, cerdyn, papur, taflen hysbysebu na deunydd tebyg yn hyrwyddo'r sefydliad neu unrhyw nwyddau neu wasanaeth a gynigir gan y sefydliad eu dosbarthu yng nghyffiniau'r sefydliad, oni bai y rhoddir

awdurdodaeth/caniatâd ysgrifenedig gan Gyngor Gwynedd yn gyntaf.

39. Ni chaiff unrhyw Eitemau Rhyw nac unrhyw bethau eraill a fwriedir i'w defnyddio mewn cysylltiad â, neu er dibenion ysgogi neu annog gweithgaredd rhyw neu weithredoedd o rym neu ataliaeth, sy'n gysylltiedig â gweithgaredd rhywiol, eu dangos, eu gwerthu, eu llogi, eu cyfnewid, eu benthyg neu eu harddangos mewn Sinema Rhyw.
40. Bydd y trwyddedai'n darparu staff i sicrhau trefn dda a llwybr rhydd i gwsmeriaid ar lwybrau mynediad neu allanfa ac mewn meysydd parcio sydd ym mherchnogaeth y trwyddedai.
41. Bydd y trwyddedai yn atal gwerthu, dangos er mwyn gwerthu neu gynnig i'w gwerthu unrhyw eitemau, nwyddau neu wasanaethau ar lwybrau mynediad neu allanfa ac mewn meysydd parcio sydd ym mherchnogaeth y trwyddedai.
42. Ni fydd unrhyw ddawnsio nac adloniant arall tebyg yn cael eu darparu na'u caniatáu oni bai yr awdurdodir hynny gan y Cyngor.

Nwyddau sydd ar gael mewn Sefydliadau Rhyw

43. Dim ond nwyddau sydd ar gael yn gyfreithiol ym Mhrydain o fannau adwerthu, cwmnïau archebu drwy'r post neu gynllunwyr partïon a gaiff eu gwerthu, eu llogi, eu benthyg neu eu cyflenwi, eu dangos, eu hysbysebu neu eu harddangos yn y sefydliad.
44. Ni chaiff unrhyw ffilm na fideo eu dangos, eu gwerthu, eu llogi, eu benthyg na'u cyflenwi oni bais eu bod (a) wedi'u pasio gan y British Board of Film Censors a bod ganddynt dystysgrif i'r perwyl hwnnw a (b) eu bod wedi'u cymeradwyo gan y Cyngor ac yn cydymffurfio â'r Ddeddf Recordiadau Fideo 1984 a'u bod yn atgynhyrchiad sydd wedi'u awdurdodi gan berchennog yr hawlfraint.
45. Bydd yr holl eitemau rhyw a'r pethau eraill a ddangosir i'w gwerthu, eu llogi, eu cyfnewid neu eu benthyg wedi'u marcio'n glir i ddangos y pris a godir.
46. Bydd y trwyddedai yn dangos ac yn darparu'n rhwydd lenyddiaeth ac enwau cyswllt a rhifau ffôn sefydliadau a chymdeithasau sy'n rhoi cyngor a chwmsela ar faterion yn ymwneud â phroblemau rhywiol, cynllunio teuluol ac afiechydon a drosglwyddir yn rhywiol, a hynny'n rhad ac am ddim.
47. Bydd yr holl ddeunydd argraffedig a gynigir i'w gwerthu, eu llogi, eu cyfnewid neu eu benthyg ar gael i'w harchwilio cyn eu prynu, eu llogi, eu cyfnewid neu eu benthyg a bydd hysbysiad i'r perwyl hwn yn cael ei arddangos yn amlwg o fewn y Sefydliad Rhyw

ATODIAD B - Amod yn ymwneud â Lleoliadau Adloniant Rhyw.

AMODAU TRWYDDED YN YMWNEUD Â LLEOLIAD ADLONANT RHYW SY'N DARPARU ADLONANT SY'N YMWNEUD Â DARPARU DAWNSIO GLIN, DAWNSIO AR BEN BWRDD AC UNRHYW ADLONANT ARALL SY'N YMWNEUD Â SIOE STRIPIO A/NEU NOETHNI.

1. Dim ond ar llwyfan ac nid yn unman arall ar yr eiddo y caniateir noethni llwyr (dinoethi genitalia).
2. Ni fydd unrhyw weithred rhywiol yn digwydd.
3. Bydd yr ardal a gynigir ar gyfer y sioe stripio (sy'n golygu noethni llwyr):-
 - (a) mewn lleoliad lle na ellir gweld y perfformiad o'r stryd.
 - (b) mewn ardal ddynodedig o'r eiddo sydd wedi'i wahanu o'r gynulleidfa.
 - (c) mewn lleoliad lle bydd gan y perfformwyr fynediad uniongyrchol i'r ystafell wisgo heb basio drwy neu'n agos i'r gynulleidfa.
4. Bydd yr ardal a gynigir ar gyfer dawnsio glin, dawnsio ar ben bwrdd (sy'n golygu noethni rhannol) mewn lleoliad lle na ellir gweld y perfformiad o'r stryd.
5. Ni fydd unrhyw gyswllt corfforol rhwng y bobl sy'n ymddangos ar y llwyfan a'r gynulleidfa. Dim ond y perfformwyr/diddanwyr fydd yn rhoi'r adloniant ac ni chaniateir i'r gynulleidfa gymryd rhan.
6. Dylai'r bobl sy'n ymddangos ar y llwyfan gael mynediad uniongyrchol i'r ystafell wisgo heb basio drwy neu'n agos i'r gynulleidfa.
7. Rhaid i'r dawnsiwr glin/dawnsiwr ar ben bwrdd wisgo'n syth ar ddiwedd bob perfformiad.
8. Ni fydd y trwyddedai, y perfformiwr ac unrhyw berson arall sy'n ymwneud â threfnu neu reoli'r adloniant yn annog, nac yn caniatáu annog y gynulleidfa i daflu arian at y perfformwyr nac yn rhoi cildwrn fel arall i'r perfformwyr (ac eithrio fel y caniateir yn amod 10 isod)
9. Dim ond y rhannau hynny o'r eiddo a ganiateir gan y Cyngor y gellir darparu adloniant a wneir gan ddawnsiwr bronnoeth i gwsmeriaid sy'n eistedd wrth y byrddau. Ni chaniateir i'r gynulleidfa gymryd rhan.
10. Ni fydd unrhyw gyswllt corfforol rhwng cwsmeriaid a'r dawnsiwr ac eithrio er mwyn rhoi arian neu dalebau yn nwylo'r dawnsiwr ar ddechrau neu ar ddiwedd y perfformiad. Tra bod y dawnsiwr yn perfformio, bydd isafswm o un metr o bellter rhwng y dawnsiwr a'r cwsmeriaid sy'n eistedd. Caiff hysbysiadau i'r perwyl hwn eu dangos yn glir ar bob bwrdd a ger y fynedfa i'r eiddo.
11. Pe byddai cwsmer yn ceisio cyffwrdd dawnsiwr, rhaid i'r dawnsiwr dynnu'n ôl ac adrodd am y mater i'w r(h)eolwr/goruchwyliwr.
12. Ni fydd unrhyw gyswllt corfforol rhwng y dawnsiwr wrth berfformio.

13. Bydd y dawnsywyr bronnoeth yn gwisgo G-string neu ddarn o ddilledyn tebyg bob amser a fydd yn gorchuddio'r rhan priodol o'r corff.
14. Bydd y Trwyddedai yn ymdrin ag unrhyw adroddiad o gyswllt, camdriniaeth neu bryfocio gan gwsmer neu ddawnsiwr ar unwaith.
15. Ni chaiff unrhyw rif ffôn, cyfeiriad na gwybodaeth a fyddai'n arwain ar unrhyw gyfarfod pellach ei basio o gwsmer i ddawnsiwr neu fel arall.
16. Ni chaiff unrhyw ddawnsiwr berfformio os yw'n feddw.
17. Ni chaiff unrhyw aelod o'r cyhoedd ei adael i mewn ac ni chaniateir iddynt aros yn yr ardal ddawnsio os ymddengys eu bod yn feddw.
18. Bydd holl aelodau'r cyhoedd yn parhau ar eu heistedd yn yr ardal ddawnsio oni bai am pan fyddant yn cyrraedd, yn gadael, yn mynd i'r tŷ bach neu i'r bar.
19. Ni chaniateir i aelodau'r cyhoedd ymgynnull yn ardal y bar.
20. Rhaid arddangos arwyddion yn y fynedfa i'r ardal ddawnsio sy'n nodi:-

"Gofynnir i unrhyw gwsmer sy'n ceisio gwneud cyswllt corfforol â dawnsiwr adael"

Rhaid i'r arwyddion fod yn ddigon mawr, yn ddarllenadwy ac wedi'u lleoli fel y gall yr holl gwsmeriaid sy'n mynd i'r ardal ddawnsio.
21. Ni chaiff unrhyw ddawnsiwr berfformio unrhyw weithred sy'n rhywiol eglur neu'n anllad.
22. Tra bod y dawnsio'n digwydd caiff dim llai na ... (nodwch y ffigwr y cytunwyd arno)... o Oruchwylwyr Drws sydd wedi'u cofrestru dan Gynllun Cofrestru a Hyfforddi Goruchwylwyr Eiddo Trwyddedig y Cyngor eu cyflogi yn y rhan o'r eiddo a ddefnyddir ar gyfer dawnsio oni bai y cymeradwyir trefniadau amgen gan y Cyngor.
23. (a) Gosodir camerâu cylch cyfyng i gyfro'r holl ardaloedd lle bydd y dawnsio'n digwydd. Bydd yr holl gamerâu yn recordio'n barhaus tra bod yr eiddo ar agor i'r cyhoedd a chedwir y recordiadau am o leiaf 28 diwrnod, gyda'r amser a'r dyddiad wedi'u stampio arnynt.

(b) Bydd y recordiadau ar gael ar unwaith i Swyddog Awdurdodedig o'r Cyngor neu Swyddog Heddlu ynghyd â'r cyfleusterau i'w gwyllo.

(c) Darperir recordiadau ar gyfer y ddau ddiwrnod blaenorol ar unwaith ar gais. Darperir recordiadau y tu allan i'r cyfnod hwn gyda 24 awr o rybudd.

Public Notices

Public Notices

DEDDF RHEOLI TRAFIADAETH FFYRDD 1984 ADRAH 14(1) FEL Y DDIWYFYDDO... ROAD TRAFFIC REGULATION ACT 1984 SECTION 14(1) AS AMENDED BY THE ROAD TRAFFIC (TEMPORARY RESTRICTIONS) ACT 1991...

ROAD TRAFFIC REGULATION ACT 1984 SECTION 14(1) AS AMENDED BY THE ROAD TRAFFIC (TEMPORARY RESTRICTIONS) ACT 1991 THE GWYNEDD COUNCIL (CLOSURE OF THE CLASS III ROAD KNOWN AS CAERNEDDI ROAD, BETHESDA)...

RHYBUDD AM DRCHYMYN LLWYBR CYHOEDDUS DEODDE PREIFYRDD 1980... GWYNEDD COUNCIL (CLOSURE OF THE CLASS III ROAD KNOWN AS CAERNEDDI ROAD, BETHESDA)...

CYNGOR SIR YNYWS MŪN Rheoliadau Cynllunio (Adeiladu Rhestrddig ac Ardaloedd Cadwrolaeth) Cymru 2012... Mae'r cais/ceisiadau canlynol yn ymwneud â Rheoliadau Cynllunio (Adeiladu Rhestrddig ac Ardaloedd Cadwrolaeth) Cymru 2012.

Iwan G. D. Evans LLW(4rh) PG> Dip. L.G. Pennaeth Gwasanaethau Cyfreithiol

Iwan G. D. Evans LLW(4rh) PG> Dip. L.G. Head of Legal Services

CYNGOR GWYNEDD DEDDF LLWYODRAETH LEO (DARPARIAETHAU AMRWOYLI) 1982 Rhoddir rhybudd dilyn hysbysu... CYNGOR GWYNEDD LOCAL GOVERNMENT (MISCELLANEOUS PROVISIONS) ACT 1982 Notice is hereby given that Gwynedd Council...

CYNGOR GWYNEDD LOCAL GOVERNMENT (MISCELLANEOUS PROVISIONS) ACT 1982 Notice is hereby given that Gwynedd Council...

NOTICE OF PUBLIC PATH ORDER HIGHWAYS ACT 1980... CYNGOR SIR YNYWS MŪN ISLE OF ANGLESEY COUNTY COUNCIL FOOTPATH NO. 1 IN THE COMMUNITY OF LLANFACHRAETH PUBLIC PATH DIVERSION ORDER 2021...

Bydd sylwadau a dderbynnir yn cael eu rhoi i ffwrdd a gael yn gyhoeddus... Mae'r sylwadau hyn yn ddwyieithus... Bydd ymgyddwyr yn cael eu rhoi i ffwrdd a gael yn gyhoeddus...

Goods Vehicle Operator's Licence Iwan Llyr Jones Trading as LL & R J Jones of Rhos Heigy, Star Gaerwen, Anglesey LL60 GAP is applying for a licence to use Rhos Heigy Star, Gaerwen Anglesey, LL60 GAP as an operating centre for 1 goods vehicle and 1 trailer...

LICENSING ACT 2003 Application has been made by Aid Stores Limited to the Licensing Authority of Isle of Anglesey County Council to vary a Premises Licence for Aid, Food, Gans, Bangor, Anglesey, LL57 7SA. The proposed variation is to amend the hours for the sale of alcohol and opening hours to 06:00 to 00:00 every day of the week...

Booking online, what a great idea... Rbyn W. Jones Rheolwr Gwasanaethau Cyfreithiol/Legal Services Manager Swyddfeydd y Sir/Council Offices Llangefni, Ynys Môn LL77 7TW

Self-Serve online Any item any price free online... Mae'r awdurdod wedi cyflwyno siarad cyhoeddus yn y Pwllgwr Cynllunio...

marketplace.co.uk logo and text: '24/7' and 'Any item any price free online'

marketplace.co.uk logo and text: 'Booking online, what a great idea' and 'Any item any price free online'

marketplace.co.uk logo and text: 'Self-Serve online Any item any price free online'

marketplace.co.uk logo and text: 'Self-Serve online Any item any price free online'